

Mediadór

Pasobra ta **ún Dios** so tin, i **ún Mediadór** tambe entre **Dios** i hende, e hòmbèr **Kristu Hesus** (**1 Timoteo 2:5**).

Ma awor **EL** a optené un **Ministerio** di **Saserdote** mas **Superior** i **Ekselente**, komo ku **EL** ta e **Mediadór** di un **mihó Aliansa**; **Unidat** entre **Dios** i hende, pasobra e **mihó Aliansa** ta **fiha** i a **wòrdu establesí** riba **mihó, sublime, superior i noble Promesanan** (**Hebreonan 8:6**).

Mishonero

I **EL** a bisa nan: "Bai den henter mundu i **Prediká** e **Evangelio** na tur kriatura di henter humanidat. Esun ku a **Kere, Konfia i Kumpli** den **EL** i a wòrdu batisá lo ta **Salbá**; ma esun ku no a **Kere, Konfia i Kumpli** lo ta kondená. (**Marko 16:15-16**).

I **EL** a nombra mi komo **Predikadó** i **Apòstel**, **Mishonero** pa anunsiá esei i siña esnan no **Hudiu** tokante **Fe** i **Bèrdat**! No ta gaña mi ta gaña, ta **Bèrdat** mi ta papia (**1 Timoteo 2:7**).

Nos Mediadór a regla tur kos pa asina **Nos** komo **Mishonero** por sali i bai **Kumpli** ku **Nos Mishon**.

Nos Mishon komo **Mishonero** ta pa ku **Poder** trese e **Bon Notisia** (**Lukas 3:18**)

Nos Mishon komo **Mishonero** ta pa ku **Poder** i **Outoridat** pa **saka demoño** for di hende (**Marko 3:15**)

Nos Mishon komo **Mishonero** ta pa ku **Poder Kura** esnan ku ta sufri di **malesa** (**Mateo 10:8**)

Nos Mishon komo **Mishonero** ta pa ku **Poder** hasi **Milagernan** riba **mundu** (**Juan 7:21**)

Nos Mishon komo **Mishonero** ta pa ku **Poder** lanta **morto** for di **mortonan** (**Echonon 13:30**)

Nos Mediadór a duna **Nos** tur **Poder** pa hasi tur loke **EL** tabata kièr pa **Nos** por hasi; trese e **Bon Notisia**

Laga **Nos** tuma na serio **Nos Mishon; Kere, Konfia i Kumpli** hasiendo i tresiendo e **Bon Notisia** di **Nos Mediadór**.

2 December 2016

Sea Bendishoná den e Amor di Yeshua Mesias

Rev. Remsly L Riley